

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**D. Gebh. Theodori Meieri Theologi & Prof. in Academia  
Julia Antichiliasmus Absolutissimus**

**Meier, Gebhard Theodor**

**Helmstadii, 1696**

§. I.

**urn:nbn:de:bsz:31-105465**

EXERCITATIO ACADEMICA  
DE  
CHILIASMO HODIERNO.

§. I.

**Q**Uæ suis Ephesis Apostolus *Eph. IV, 14.* inculcat, ne omni vento doctrinæ circumagantur ac fluctuent, ac iisdem vere verbis repetit in *Epist. ad Hebr. c. XIII, 9.* illa hodiernis maxime temporibus probè observanda esse, præsens Ecclesiæ nostræ facies quemvis eam penitus inspicientem, abundè docebit. Si enim ulla fuit heterodoxia, quæ fideles à veræ fidei simplicitate, in varias errorum ambages potuit deducere, talis certe est, qui hodie in nostras irrepere cœpit Ecclesias, Chiliasmus. Hoc si infectus fueris, omnia fere Prophetarum vaticinia, ad regnum Chiliaisticum quasi obtorto collo trahes, & quicquid in Verbo Dei ad gaudia vitæ æternæ spectat, ad aureum illud mille annorum Seculum detorquebis, ac si præcipuus Scripturarum scopus sit Chiliasmus. Ita autem à vero scopo Scripturæ S. deviantes quomodo poterunt non in infinitam innumerarum vanitarum sylvam incidere? Hanc ob causam non modo in tot sectas subdivisus iterum est Chiliasmus, ut, quot capita, totidem hic quoque dari videantur sententiæ; sed etiam quælibet illarum in tot varietates sæpenumero delabatur, ut pene quid statuatur, in multis ignoret. Harum singulas sub examen jam quidem vocare,

A

non

non est mihi propositum, cum magni laboris, exigui vero usus, hoc esset. Sed exhibebo & expendam nunc tantum Chiliasmum sub illis circumstantiis, quibus eum circumscripsit Chiliastarum Patronus, à quo hodie plerique inter nostrates Chiliasmo faventes, dependent, ejusque sententiam amplectuntur. De hoc itaque Chiliasmo quid statuendum sit, tum demum apparebit, quando illum analogiæ fidei ex apertis Scripturæ testimoniis deductæ, plane contradicere constiterit: Id quod præsentis opusculo me evidenter, præeuntibus Doctoribus meis, ostensurum, ac simul, quæ pro errore suo in Animadversione, quam vocat, Programmati Summè Venerabilis Domini mei Præceptoris, oppositâ dictus Chiliastarum Hyperaspistes produxit, ex Verbo Dei diluturum, confido. Quod dum aggredior, Te, Sanctissime Deus ac Pater Benignissime, supplex invoco, ut calamum meum in viâ veritatis ita velis dirigere, ne ulla ratione ab illis quæ in Verbo Tuo docemur, exorbitet aut à fide super illud fundatâ vel minimâ in parte defleat.

§. II. Ut igitur pateat Chiliasmum, qualem Autor Animadversionis jam dictæ credit, fidei contradicere, distinctis aphorismis proponendus erit nexus fidei nostræ, quatenus ille præcipue ad res novissimas spectat, ut deinde ad istum exigi possit dogma illud Chiliaisticum. Assertio ergo prima hæc esto: Scriptura duplicem tantum novit Christi manifestationem (voce manifestationis pro visibili apparitione in terris sumptâ) unam ad profligationem peccati, Hebr. ix. 26. alteram cum in secundo suo adventu absque peccato conspicietur illis qui ipsum expectant ad salutem. v. 28. Thesis hæc in Program-